

inter privatos quoque homines non omnis injuria pacis studio muffitanda est, sed apud magistratum legitima tutela legitimo modo quaerenda. Hoc est quod Apostolus vult, Rom. 12. v. 18. *εἰ δυνατὸν, τὸ ἐξ ὑμῶν μετὰ πάντων ἀνθρώπων εἰρηνεύετε:* id est, Si fieri potest, quantum in vobis est, cum omnibus hominibus in pace vivite. Apostolus loquitur ἐξ ὑποθέσεως, videlicet, si fieri potest.

~~~~~

*Cap. XVIII. De Civilitate.*

**V**irtus conversationis in gestu est duplex: Civilitas & Gravitas.

SCHOL. Ut Mansuetudo & Concordia sunt in affectu; ita Civilitas & Gravitas sunt in gestu.

2 Civilitas est virtus externum corporis habitum, gestum, & motum ad decoram elegantiam componens.

SCHOL. Dicitur etiam Urbanitas, voce latius acceptâ, quia in urbibus inter cives magis observatur elegantia & concinnitas in externis moribus, quàm in pagis inter rusticos. Sunt autem hujus virtutis officia præcipuè quatuor: 1. Mundities corporis, & omnium membrorum. 2. Ornatus corporis & vestimentorum, cujusque conditioni conveniens. 3. Decens compositio externarum actionum, videl. incessus, vocis, risus, item in cibo & potu, &c. 4. Decentia in honoribus justis pro dignitate aliis deferendis. Et sanè ejusmodi gestus tempestivè usurpati apud bonos viros non parum gratiæ merentur.

3 Civilitati in excessu opponitur nimia affectatio civilitatis, quâ quis nimiam elegantiam & culturam adhibet.

SCHOL. Græcè hoc vitium à quibusdam ὑπερηγοψία dicitur, ut videre est apud Timplerum, Nihil ferè est, quod

*Civilitatis officia 4. i.*

2  
3

1.